

Piremon

Piä watä äma jopi kubä Anututa biñam täñkuko unitäño manbiñam

1-2 * * Näk Pol Kristota yäñpäñ komi eniken nepmañpani näkä, ba notninpak Timoti-kät man kudän ño takamäk. Man ñowä ñodeta kudän takamäk; Notninpak Piremon, ninkät piä mebäri kubägän täñpani gäka, ba wanotnin Apia unita, ba notninpak Akipas, Anututa yäñpäñ ämik bok täñpani unita. Ba äbot täñpani ämawebe Anutu iniñ oretta Piremontä eniken ärok täkañ unita imaka man ño kudän takamäk. Täñpäkañ in kudupta ñode täwetkamäk; ³* Anutu Nanin-kät Ekäni Jesu Kristo unitä iron täñ tamiñirän iniken bänep kwini terak kañ kuñarut.

Pol Piremonta bänep täga nadäñkuk

⁴* Eruk, Piremon, gäñño manbiñam ñode nadäk täyat unita näk kadäni kadäni Anutu-ken yäñapik man yäñkañ gäka bänep täga man iwet täyat. ⁵Gäk Ekäni Jesu ba Anutu täño kudupi ämawebe unita gäripi nadäñpäñ nadäñ yämikinik täñjiri manbiñamka nadäk täyat. ⁶* Täñpäkañ näk gäka Anutu-ken ñode imaka yäñapik täyat; Gäk ba nin nadäkiniknin terak yäñpäñ-nadäk säkgämän bok tak takamäj unitä nadäk-nadäkka pirären

* **1:1-2:** Efe 3:1 * **1:1-2:** Kol 4:17; 2Ti 2:3 * **1:3:** Gal 1:3
 * **1:4:** Rom 1:8-9 * **1:6:** Plp 1:9; Kol 1:9

gamiñirän iron kädet täga mebäri mebäri Kristo-kät kentänpän yäpmäk takamän ñonitä pen yäpmän yäpmän kunayän takamän unita kañ nadäwi tumbut. ⁷* Täñpäkañ notnapak, gäk Anutu täño kudupi ämawebenyeta iron täñ yämiñiri oretoret tak täkañ. Ude täñiri manka biñam nadänpän näk imaka, bänep oretoret pähap täñpän bänepna pidämtak täyak.

Piremontä Onesimus äneñi imagutta man

⁸ Eruk Piremon, gäk Kristo wäpi terak notnapak ude itan unita imaka kubä gäkä täga tänañi u takta täga peñ gäweret. ⁹* Upänkañ gäka nadän gamikinik täyat unita piä u takta jop gäwet yabätat. Gäk näkño mebärina nadätan; Näk tägawani, ba apiño näk Kristo täño piä tak täyat unita yänpän komi eñi gänañ itat. ¹⁰* Unita nanakna Onesimus ño täñkentän imikta gäwet yabänjira käwep nadän namen. Nadätan? Näk komi eñi ño gänañ irira Onesimus uwä ahän namänpän näkä Anutu täño man iwetpän iwoñäreñjira Anututa nadäkinik täñkuko unita nani ude täyat. ¹¹ Bian äma uwä piä säkgämän kubä nämo täñ gamiñkuk. Upänkañ bänepi yäpmän äyänutkuko unita apiño gäkkät nekta piä säkgämän-inik täga api täñ nimek.

¹² Unita apiño Onesimus tewa äretak. Äretak uwä bänepna gämäni. ¹³* Butewaki, Onesimus u näkkät bok itnañi. Näk Anutu täño manbiñamta yänpän komi eñi gänañ irira u gäk wäpka terak täñkentän namik täyek. ¹⁴* Upänkañ näkñaken gärip nämo

* **1:7:** 2Ko 7:4 * **1:9:** Plm 1 * **1:10:** Kol 4:9; 1Ko 4:15

* **1:13:** Plp 2:30 * **1:14:** 2Ko 9:7; 1Pi 5:2

iwarayän. Gäkä täga yän yäwikan uyaku bok täga itkädē. Unita apiŋo gäkken tewa äretak. Näk ŋode nadätat; Iron kädet näkä peŋ gäwerira tänpayän täno uwä tägainik nämo. Täŋ, gäkŋaken gärip terak tänpayän täno uyaku säkgämän.

¹⁵ Tänpäkaŋ duŋ-weŋpäŋ Onesimus-kät ek kadäni keräpita inigän inigän itkumäno u mebäri ŋodeta käwep; U äneŋi gäkken ärewänkaŋ bok pen api itdeŋo unita. ¹⁶ * Uwä gäkŋo piä äma jopi ude äneŋi ittagän nämo. Nämoinik. U irepmitpäŋ notkapak säkgämän ude itta api ärewek. Nadätan, näk äma unita notnapak bureni yän nadäŋpäŋ gäripi nadätat. Täŋ, gähä udegän äma unita gäripi pähap api nadäŋ imen. U piä ämaka irirän gäripi nadäŋ imayän täno ugän nämo. U Ekäni wäpi terak notkapak bureni-inik irirän gäripi nadäŋ imikinik api tänpē. ¹⁷ Unita gäk näka Ekäni wäpi terak nägät moräkna bureni yän nadäŋpäŋä, Onesimus ŋo not säkgämän kaŋ täŋ imi, näka not täŋ namayän täno udegän.

¹⁸ Tänpäkaŋ Onesimustä goret kubä täŋ gamiŋkuk ba gäkŋo imaka kubä jop yäpuko tänpänä eruk näweriri näkä kowata api täŋ gamet. ¹⁹ * Näk bureni gäwetat. Man ŋo näkŋa ketnatä kudän täyat unita nadä; Goret täŋkuko unitäŋo kowata näkä api däpmän tärewet. Tänpäkaŋ ŋode nämo nadätan? Gäk kumäkta biŋam itkunopän näkä gäwetpäŋ gäwoŋärek täŋira Ekänita biŋam täyan unita gäk kowata täŋ naminanŋi bumik. ²⁰ Unita notnapak, Ekäni wäpi terak nek kubägän itkamäk

* **1:16:** 1Ti 6:2 * **1:19:** 1Ko 16:21; Gal 6:11

unita täñkentäk kubä nam yän nadätat. Ude täñ naminjiri Kristo wäpi terak bänepna pidäm tawän!

²¹ Näk nadätat, gäk näkño man api buramiweno unita man ño kudän täyat. Ba imaka täñ namikta yänapitat ño irepmitpäñ säkgämän kubä api täñpen yän nadätat. ²²* Täñpäkañ gäripna ñode pätak; Anututä gäkño yänapik man nadän gaminpäñ täñkentän naminjirän näk gäkken täga ärewet. Unita näkä itta, enjika-ken bägup täñkireki kubä kañ pen nam.

²³* Eruk, tärek-tärek u ñode; Epafrastä ganin oret man pewän äretak. U Jesu Kristo täño piäta yänpäñ näkkät komi enj gänañ bok itkamäk. ²⁴* Ba täñkentäknaye Mak, Aristakus, Demas-kät Luk unitä udegän gäwetkañ. ²⁵ Täñpäkañ Ekäninin Jesu Kristo täño bänep irontä bänepka-ken itinik täyon.

* **1:22:** Plp 1:25, 2:24 * **1:23:** Kol 1:7 * **1:24:** Kol 4:10,14;
1Ti 4:10-11

Anutu Täño Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

914cbf46-f59a-54d1-b209-0f763534edb5